

1606

*num consilio antea perperdendam esse*. Paulus, qui dum ad Valerium ventum esset, ne verbum quidem enuntiaverat, ad eum conversus, *exacte rem discussam excellentiumque virorum judicio exploratam, minimeque ambiguum esse*, inquit. Neque dubium plerique arbitrati sunt, quin, si aliqui auctoritate ac virtute in Purpuratorum numero praestantes libere atque ex animo sententiam dixissent, temporis mora injecta, imminens jam malum avertere potuissent; cum certum sit, nonnullos doctrinae uirtutisque opinione eminentiores secus antea iis de rebus sentire non obscuris verbis significasse; in quorum numero Cæsar Baronius fuit, qui cum antea cum Nanio oratore Pontificis impetum detestatus esset, *neque cum Veneta Republica, cujus cum sede Apostolica conjunctione, Italiae libertas ac dignitas stare*, ita agendum, dixisset; mutata sententia, Pauli factum adeo extulit, ut eo facto inter cælites adnumerandum censeret; idque posterorum memoriae in suis Annalibus traditurum affirmaret.

Cæsar Baronius Cardin. Pont. impetum detestatur.

Cæsaris Baronii sententiae mutatio.

Diplomatis contra Venetos promulgati sententia.

Edictum itaque promulgatur, insignioribusque urbis partibus affigitur. Multa ab incondita plebe in Venetum nomen probra ac maledicta jactantur. Summa diplomatis hæc erat: *Ni leges abrogentur, ni clerici remittantur, post elapsos quatuor ac viginti dies, Ducem ac Senatum excommunicatos pronuntiare; aliis vero tribus transactis, imperium omne Venetum interdicto ecclesiastico subdere*. Nova adeo ea res, atque inexpectata plerisque visa, ut vix sibi suaderi potuissent, tot armis undique circumsepta christiana republi- ca, Pontificem levissimis de causis incendium in Italiae viscibus excitare velle. Non deerant qui dicerent, nunquam propenso in Venetos animo Paulum exstitisse; cardinalio galero fulgentem de Reipublicæ legibus moribusque obloquutum; primis initis pontificatus diebus cum a Decemvirum Collegio, ut ab exilio Annibalem Gambaram Brixiensem, familiarem suum, revocaret, petiisset, neque impetrasset, ægre admodum tulisse; ut opem Senatus Pannonico bello exhiberet, per Offredum Nuntium, perque literas petenti minime satisfactum. Inde, ut Franciscus Vendramenus, Venetiarum Antistes a Senatu designatus, Romæ exami-

nan-